

太平縣志

卷一

地 250.125
35
2-8

太平縣志

權
武
山陰
平
成
重
邦

叙

志即史也邑志一邑之史也外此有郡志有省通志有一統志皆原於史而權輿於邑志者也故一時之書萬世之掌故所徵而信焉一邑之書天下之文獻所稽而攷焉夫以一邑一時之事而有關於天下萬世肩斯任者可不慎與太平之有志聲於前朝正德庚辰鍾修於萬曆庚辰八

國朝康熙乙巳一修甲子再脩至乾隆乙亥而三矣由乙亥至今閱五十餘年

皇上御極之八年癸亥歲郡侯魯子山先生以名進士來守是邦政通人和百廢具舉既乃倡脩郡志各邑志書次第脩輯邑紳士詣余請主其事嗟乎脩志豈易

太平縣志

卷首 曹序

一

言哉昔袁太史子才修江甯志嘗曰治江甯易易治江甯難夫以袁子之才而不輕言脩志况謝陋如余以以簿書鞅掌何敢謬膺斯任再三辭不獲乃於公事之餘取舊志間為參攷有訛謬者取而正之其間之遺闕差僕不遺稽核則孔雪樵陸嘯岩兩學師任之採訪則邑之紳士司之而今為間出己意互相囑託歷三年而志告成雖然以一邑之書非萬世之書也邑運自唐天寶而有明德德以前之志不傳然黃山麻水之勝千古如新也萬曆以後至

國朝康熙乙巳而後有志然前明之先達如周恭節崔筆山諸人其氣節聞望未嘗湮沒而不彰也宇宙之真跡久而不磨天地之正氣遠而彌光觀乎此者



可以興矣然則吾所望於邑之人士者惟能立身揚名追
美於周崔諸先輩則德業聞望自堪與黃山麻水並
傳不朽行見光昭邑乘而郡邑省通志一統志胥於
是取信焉即採之輜軒登諸國史不難矣區區一時一邑
之志云爾哉抑搜羅不廣則見聞或隘文獻不備則攷
証無從况邑自乙亥而後無論科目日盛節義林立即
朝廷之

恩綸疊錫

制度之因時變更其有關於典故者指不勝屈使志書再更
數年或數十年不脩則聞見異詞書缺有間後之
君子雖欲有所攷據以成一邑之史其道無由是役也
雖一時一邑之書其有補於天下後世非淺鮮矣既

太平縣志

卷首 曹序

二

付梓紳士請余言以弁其首爰書此以質之
皆

皇清嘉慶十三年歲次戊辰仲冬月

賜同進士出身文林郎知太平縣事甲子等科江南鄉試

同考官加二級湖口曹夢鶴撰

叙

嘉慶乙丑夏太守魯子山先生檄行六屬重修郡志時太邑諸生即以並脩邑志請縣學會議定謀故余於各鄉圖讀法之暇始與諸紳耆輩留意經畫是年冬余適以俸滿有皖江之役迨奉調歸來已見四鄉雲集以懿節各條合為一書給之具報余既嘉太邑之士勇於急公又以慶一時善人之多也雖然表揚闕乎風化是固不可不慎余故授維正年間

勅脩一統志奉

上諭志書與史傳相表裏其登載一代人物較之山川風

土尤為擊要必詳細確查使偉節懿行愈久彌光

太平縣志

卷首 孔序

一

乃稱不朽盛事等諭太雖一邑激勸胥同 舊典煌

煌當斯任者宜何如悚惕而詳慎與且吾輩

太為時甚暫方今太邑廣袤不下二百餘里同時並

生之人不必盡識其臧否况求之數十年以前乎邑

之老成謙謹之士議從詳請旌表之例呈請依儒學總

核於縣公而公好惡於國人廣闡揚於幽隱必慎必公無

遺無濫固邑諸生事也余固賴諸生之慎於採訪俾異

日垂為信史也已己五月歲事在即為紀其重脩邑

志之始末如興至於仙源舊墟名賢古蹟輝耀棗梨

已登見於前叙中用不復贅

嘉慶己巳五月旬曲孔傳薪撰

萬曆庚辰志序

邑志告竣士民不鄙余一言余惟叙事具在志且有鄉大夫
之章弁之矣余復何言雖然亦各言其志耳己方志之始事
也二三弟子員難之重曠典也余謂志者志也仲尼志在春
秋即知我罪我且不辭而何有于一邑之志二三子唯唯既
而諸耆宿以志請者僉曰志欲詳欲文余瞿然曰噫志乎
志矣今制詔天下有司屢申責實之令不穀六載山城
安所資以報上惟是惴惴一念矢諸天日藉令喜誇而忌
直競麗而掩真將聲不中窾謂信後何是故鯁之馬與
二三子旦暮卒業唯求自信以信天下後世患不核不
患不工恥不直不恥不文俾後之君子按牘而歎曰取二
三策之僅存爾矣斯余志也嗟：今昔代變江河雲霧
太平縣志

卷首 舊序

一

氣化之瀉瀉文物之盈絀法典之疏密類皆月異而歲不
同後之溯今不猶今之溯昔哉余之不能詳且文也以有
後之君子在也萬曆庚辰莫春朔日

明進士第文林郎知太平縣事清漳張廷榜登時而序

手書

萬曆庚辰志序

高皇帝定鼎金陵首徵發佐軍興實國若古豐沛太邑屬焉帝澤周渥詔復民田先後凡六下民生二百餘年涵濡聖化休養生息即康衢擊壤無以過蓋僂源也邑故有正德志維時獻才僅僅荒陋毋惑已寥々六十年來諸凡廢置沿革不可勝原迺時未議久任令長進更視邑猶蓬廬也即刀筆筐篋尚輻輳未遑而遑及於志乎今上建元之二年清漳張侯以賢良來令吾邑豈弟麟均割割一語如無操觚已占其良史才矣適郡篆乘檄採故實侯方露處視事欲載筆而籍之暇乎姑應以一二侯猶嗷嗷若在治暨六越歲所夕振別不遺餘力百凡積廢一起而紀綱之

太平縣志

卷首 舊序

二

不傳于役歸省因與鄉薦紳齋宿以志請侯謂志吾士之志也而成吾志吾事也抑又何辭迺謀諸學博士二三弟弟孫舊乘之遺倣郡乘之例塞漏剔劇核實纂紀仲春首事踰月而告成侯介紹而屬余序余不敏何敢承作而嘆曰壯哉舉也其政治之準乎百年曠典成之一旦諸境內務按籍可睹蓋匪直為嘉惠一時計而好忠告來哲者亦既多矣昔楚子文以舊政告新尹夫子謂其忠今侯勤理六載徵召一朝侯旦夕行矣侯不獨以言告而猶以書告侯之用心宜何如者且也舊志成於正德庚辰計今萬曆庚辰復一周焉天時人事若契券然噫亦奇矣哉是役也摠之自侯項生陞陳生天德左右之協於理則錄否則遺信於心則書否則闕其攷覈也精其叙例也當上有尊而下有徵蓋信史也統

之十卷為圖六為紀一為表二為志八為列傳七雜紀一附焉
余邑人也以不獲卒業為快猶幸覩殿盛僭為叙其本末
且因侯以托名也記曰蠅附驥而千里不佞有味乎其言
之矣

萬曆八年二月之吉

賜進士第戶部山東清吏司主事邑人陳宣頓首拜序

太平縣志

卷首 舊序

三

康熙乙巳志序

太平為宛陵屬邑又居六屬之末彈丸黑子地四面阻山襟嶺舟楫不通郵傳不至蓋僻壤也相傳有志一位於明正德庚辰朱令守為一脩於萬曆庚辰張令廷榜迄今已八十餘年即斷自

皇清定鼎已二十餘年矣晉安陳子知縣事將四稔政簡刑清與民休息居恒憫縣志之荒蕪懼典故之淪亡乃集黃髮台背之叟含英咀華之儒相與哀集舊志刪煩補漏為考十卷書成問序於予予觀古今史家以龍門扶風為嚆矢龍門之為史記曰紹世系明紀學本詩書以龍門之旨以風之為漢書旁貫六經上下洽通今觀國朝志書與地諸考何與於天官書天文地理郊祀等志觀應官法紀次太平縣志

卷首 舊序

四

書諸考何與於年表月表百官八物表食貨等傳觀禮祀選舉風俗人物藝文諸考何與於平準禮樂食貨列傳世家諸書若是則志可不脩乎雖然有說於此書亦須倉頡史籀要以載道畫弗須探微僧繇要以肖形史弗須龍門扶風要以紀事且龍門扶風所為者史也非志也彼四海九州之言以一鄉一邑之乘也彼天祿石渠之實錄此稗官下里之私識也陳子之為志不事瑣襍但免挂漏且文章爾雅制詞精良自李唐天寶肇邑之始千有餘年僂源一縣廣袤二百餘里其間宦業鄉行人情土俗名山勝川高文大節無不一展卷而瞭若觀火也龍門扶風於彼何居於此堪以追邑人士日落月稀之嗟異日輜軒侯探風問俗攬轡至止陳子可執是編以定其志曰陳子多善政不止修志

一事清賦稅釐奸弊蠲贖等禱有驗者出賑饑有效以至
修葺學宮觀課農桑諸善政班班可考不止修志一事
予喟然曰甚矣循吏之難也昔范蔚宗禱循吏曰政思
張急理善烹鮮一夫得所于室鳴絃唐應德之咏名宰
亦曰無言似桃李有志笑鷹鷂多暇即開卷長貧不受
錢庶幾凜凜有德讓君子之遺風太平雖小邑使為吏
者日事刀筆管篋效歛歛俗吏之為將見毛鷲薪束為
名高安能攤椽筆磨陶糜從容休豫搜羅披拾繼朱張
二君之後光照舊典詞美前哲也太平令足以風矣豈止
修志云乎哉豈止修志云乎哉

康熙乙巳歲仲冬之吉

賜進士第整飭徽甯廣德道江南提刑按察司僉事前
太平縣志

卷首 書序

五

奉

勅巡視漕運河道監察御史天雄竇遵奇撰

康熙乙巳志序

今夫名勝之顯隱風尚之登沉與夫廟廊彝鼎或揚光掩露
虛穴琬琰或匿景流聲他若此類昭宣闡汶者豈不以時哉
時乎必見天承地不能秘其慶雲器車時乎弗晦鬼神急
於發其金匱石室益有其氣機運會焉是道也大之於天下
國家其在郡邑亦然余因有感於太邑之地之時也余流亡四
年於茲初見境內黃山奇峯矗聳律參遍天漢相傳軒轅
斷崖野翁修煉處焉其間神仙之窟宅靈異所栖憑不知
凡幾近遠咸以為斯地猶余謂未也詩曰維嶽斯嶽維嶽斯
申傳曰深山大澤是產龍蛇然則磅礴鬱積巖峩蜿蜒非
非奇人奇文不足當也區區僂靈云予哉惟是南嶽之奧味
方由北嶽之考課頻仍未遑與郡人共一山園之雅興焉東
太平縣志 卷首 書序 六

觀之鉅麓也然此志為攷攷絕聲之雲霞公之赤縣灑川
源之芳液布爾方州矣今予春過報績之期邑之風俗有
書農桑有書愛造與除惡汰建脩捐益亦莫不有書以上
政府以令職也而志序則進長史之庭而
告曰君侯之勤劬一至於此是其一邑之書而天下之書也千百
載之書而非一日之書也不腆敝邑書有志矣讀君侯之書縣花
大燦符竹一新足令搜掌故者怦然殘缺之慚而觀風謠者
不勝捫撫之幸也當天子勵精圖治日詔天下賢良致隆三
五採風討典正在以時吏治之精也文事飭之非侯也孰與謀
不朽者遂以脩志請於是舉邑中之嫺雅淹博具良史才者
家蒐秘寶人握靈蛇不難追金琢玉網維鴻冊余不任薄
牘之閒亦詳加商確增刪以期至當書成利牛然巨觀遽翻

之約考十三條析有若禹貢周禮不官職方應汝南之風俗
劉邯鄲之人物郭宏農山海之經左記室三都之賦典林博麗
爾雅奧特片嚮全錦罔或不備嗟乎史公浮江渡淮遍歷山
川始成史記諸君不出戶樞三十六峯具供几案出其韞石含
淵以蒸虎變豹蔚言視古人不又多乎哉雖然志者言乎志也
疇昔名賢輩出碩德挺生業已焜煌國典馨香廟祀高山
景止能不遐心而余不佞興覽桐鄉流韻竊亦欣慕芳軌焉
則是書也於以追踪前禩式型來葉又不徒為旦夕之昭宣資
區之考訂云爾雖謂天地攝其華鬼神挾其蘊於茲時焉無
不可也或者曰志所以傳也乃者小徼必收寸瑜不舍將毋
溢吾聞春秋之旨善善長三代而下唯恐不好名茲見邑之
中津津焉皆有其家得錄於志為榮之心榮於錄則不榮
太平縣志

卷首 舊序

七

於不錄矣錄者榮而不錄者亦足以勸勉一方而從事必者金
馬則豈非盡美者乎且將博覓梨棗以廣良書是余之志
也夫是余之志也夫

皇清康熙歲在己巳蒲月之吉

文林郎江南甯國府太平縣知縣陳恭聖壺父撰

康熙甲子志序

人生不逢

盛世躬膺庸錄得啣一命而為

天子受命論其地夫地之於天也有君臣之義焉風雨雷露之
所及必及之日月薰沐浴之所際必際之而臣之於君獲庸
唯流彙化之中視一己之外皆他人事豈臣工大小果判也與
故地無隆嗇或百里或不百里又或百里而倍之其間山川蔚
與人物森與井疆畝而貢賦均與戶口聚而習尚敦與凡此
前必有其所始後必有所窮苟蒞茲土逆旅忽之駒隙過之蔚
者任其蕪蕪森者任其凋劫其罪而布藜而集者皆任其靡
雜而無所記異是天子人以清淑扶輿之氣而人必棄之而
太平縣志

卷首

八

自入於坎陷涸涸之深而扁之閉之此所謂天祿辟死也

昔其何裨於盛明之世之萬一哉况今
聖天子在上混一疆宇車書所至靡民不臣靡土不王而
徭賦所在情酌身準唯恐絲毫之累以致有肌膚之劫故
咸感之至將股趄脰鳴之屬各安其路吟風翔之常而樂
且忘矣仍復選賢進能脩纂信史幾閱日而成卷幾閱月
而成書因命各州郡概脩志載以垂激勸其與民休息與
民更始之意欲潛消其隱慝而新其耳目如此此其於民抑
何渥與不佞福未傳源甫數月適觀鉅典兼承憲頒備
知除革里役為九畝無窮之利立石永久纖悉自勸因併
次其館舍謀之多士分卷受冊自山川以及里畝忠孝以及文
學懿行以洎節義物產以訖方技搜往闡今摭撫成帙積

兩月而事竣其於垂戒勸懲之義當耶否耶揔之邑有黃山
高十尺而亘於南其紫氣蒼濤通朝夕故發為忠孝與文
學者則焜煌典冊而家有餘師即秀閣牧豎靡不回心
向道今福不惜微喘與多士共新志事將青雲之士與景慶
爭祥史曰鄒魯文學天性也不佞將目矚而身受之豈徒
翰將効順稱化民已哉

晉

康熙甲子歲春和月吉日文林郎江南甯國府太平縣知縣今
陞鬱林州知州三韓賈有福撰

太平縣志

卷首 舊序

九

乾隆乙亥志序

乙亥春余既蒞定邑半載大之人士以新邑志忝示余且言余於茲書為嚆矢欲得一言弁其首余繙閱訖慨然者久之憶壬申之春奉

憲檄修郡邑志都人士聞之造而請曰太固彈丸邑為

天子職方所必紀邑志脩自賈公憶歲在康熙甲子距今幾八十載中間殘缺失次與夫遺而未載者不勝縷指方今聲教所訖輜軒所採梯航之鄉勒有成書豈我太邑獨安簡陋余曰然仙源舊為名區浮邱容成之遺跡傳自上古雖難深考而近代自宋人文蔚興忠孝節義踵相接若家至而戶喻者此其須紀載甚急余將以謀諸學博魏先生而定之多士曰唯唯雖然此亦吾師責也吾師學粹而志潔方

太平縣志

卷首舊序

十

將走天下求之矧幸蒞吾庠於是商纂輯剞劂費造學以請先生固辭適太守宋公下縣因稟命焉議甫定余以為人受遇將入覲遂不暇顧而不圖今之觀厥成且不遠千里懷我好音也夫太邑予承之五載其風土民物燦若掌上羅紋今讀是編恍若重歷其境與太士相晤對相慰勞故樂為之序以志余雖僕僕四方魂夢未嘗不在黃嶽麻陂間也原任太平縣知縣彭居仁撰

乾隆乙亥志序

予之宰太平也志就棗梨美館局為請序言予思是志首其
舉者前之彭令翰其貲者邑之紳士勸其事者孝廉周桂林
等至揚徽闡微登實闕疑刊蕪削穢以準乎義類之體要
者一出於學翰雪亭魏先生而予適際告成之會曾不得
稍與微力其何序之敢言既念我

國家右文重道既

命史臣纂輯一統志而職方所載省郡州縣例得司其舊
而脩補之其鼓吹休明正念以厚風俗至深遠也予小臣幸
蒞斯土而無一言昭茲盛典其何以仰休

聖朝勳化致治之雅意爰染墨而搗詞曰志之設也非特為博
覽者資有風勵之道焉蓋制器者立其模範鑄人者樹之觀
太平縣志 卷首 舊序 十一

型列嘉言懿行而筆之書是示以的也然或誣焉而失其真
或雜焉而非其當則模不模而範不範欲相觀焉而型非其
型於以獎風勵俗斯為難耳今仙源雖處僻陬而黃山勝甲
江左鬱秀所鍾凡理學名臣孝子悌弟義夫烈婦高蹈隱逸
之輩雲霞蔚起既代不乏人而司是事者復無微不至搜有
載悉真則芳型在前步武非遠考而鏡之見乎某功某績
某先官之旂樹立也某圖某里某賢者之旂托跡也某水某
邱某高人逸士之所遨遊也某表某坊某忠孝節烈之所
藉以不朽也某詞某章某文人學士之所感慨寄懷而為
世道人心計也有不油然而興勃然以起者耶夫賢者或觀
感數千載之上或聞風數千里而遙况相摩於都邑之中
黨族姻戚之近者知其必蒸蒸向往以應

聖朝休明之化而不負作者之深心也矣嗚呼是予之望也
夫是予之望也夫原任太平縣知縣劉大河撰

太平縣志

卷首 舊序

十二